


Edizione diplomatica

	Bernartz del uentedorn. QUan par la flors josta·l vert foill. Euei lo temps clar esere. Lo douz chanz delz auz- el pel bruoill. Ma dousa mon cor em re- ue. Puois lauzel chanton alor for. Eu cai plus de ioi emon cor. Dei ben chantar. Car tut li mei iornal. Son ioi echan queu no(n) pens de ren al. Cella del mon quez eu plus uoill. Eplus am de cor ede fe. Aude ioi mos ditz elz acuoill. Emos precscoute rete. Esi hom p(er) ben amar muor. Eu en morai car emon cor. Li port amor tan fine natural. Que tut son fals uas mi li plus lial. Cal ma que an mais dorgoill. Qua(n) granz bes egranz iois lur ue. Mas ien sui de meillor escu- oill. Eplus francs qua(n) dieus mi fai be. Cora quieu fos damor alor. De lor son deuengutz al cor. Mercies mi donz noi trop par ni egal. Tot ai quan uoill sol que lei dieus mi sal. Ben sai la nueg quan mi despuoill. El lieg q(ue)
---	--

	no domirai re. Lo dormir pert quar iel mi tu oill. P(er) uos do(m)pna quan mi soue. Quella on hom ason tesor. Uolom ades tener son cor. Qu an uos no(n) uei do(m)pna don plus me cal. Negus uezers mon bon pensar no(n) ual.
	Quan mi menbra com amar suoill. La falsa de dura merce. Beus dic que tal ira ma cuoill. Qe p(er) pauc de ioi nom recre. Domna p(er) cui chant ed- emor. P(er) la bocam metes el cor. Un douz baiz- ar de fin amor coral. Quen met en ioi emgiet dira mortal.
	Dompna si nos uezon mei oill. Ben sapchatz que mos cors uos ue. Ies nous doles plus queu me duoill. Car sai com nos destreing p(er) me. Es il gilos uos bat de for. Gardas que no(n) uos batal cor. Sius fai enuoi euos lui atretal. Eia ab uos no(n) gazaing ben p(er) mal.
	Mon bel uezer gart dieus dire ede mal. Sie- us sui de loing ede pres atretal.

- letto 320 volte

Credits | Contatti | © Sapienza Università di Roma - Piazzale Aldo Moro 5, 00185 Roma T (+39) 06 49911
CF 80209930587 PI 02133771002

Source URL: <https://letteraturaeuropea.let.uniroma1.it/?q=laboratorio/edizione-diplomatica-1985>